

**ACTA DA SESIÓN EXTRAORDINARIA DO CONSELLO REITOR DA FUNDACIÓN PÚBLICA
DE SERVIZOS DEPORTIVOS MUNICIPAIS**

DÍA 24 DE OUTUBRO DE 2022

Na Sala Branca do Excmo. Concello de Vilagarcía de Arousa, sendo as vinte horas e trinta e cinco minutos do día vinte e catro de outubro de dous mil vinte e dous, reúnen-se en segunda convocatoria, co obxecto de celebrar sesión extraordinaria, os membros do Consello Reitor que se relacionan, e coa seguinte orde do día:

Presidente: D. Argimiro Serén Mera

Vicepresidente: D.Álvaro Carou García

Vogaís: D. Isidro Fernández Portas

D. Ángel Francisco Vilas Fernández

D. Álvaro Penas Cascón (suplente de Dna. M^a De la O Fernández González)

Dna. Ana M^a Granja Guillán

D. José Ramón Santorum Canto (incorpórase ás 20:42 horas)

Director Deportivo: D. Juan Miguel Doval Blanco

Secretaria/delegada: Dna. Adela Miguéns Muñiz

Interventora/delegada: Dna. Rosa M^a Otero Piñeiro (incorpórase ás 20:49 horas)

Excusa a súa asistencia o Sr. Vogal, D. Ángel Cardalda Mosquera

1.- LECTURA E APROBACIÓN DA ACTA ANTERIOR, SE PROCEDE.

Dáse conta da acta do Consello Reitor da sesión ordinaria do día dezoito de outubro de dous mil vinte e dous e, unha vez atopada conforme, o Consello Reitor por unanimidade, préstalle a súa aprobación.

2.- DAR CONTA DO INFORME DE MOROSIDADE E PERIODO MEDIO DE PAGO, 3º TRIMESTRE, ANO 2022.

Pola Sra. interventora/delegada da conta do informe de Morosidade e período medio de pago, 3º trimestre 2022 (1 de xullo ao 31 de agosto de 2022), no que a 31/08/2022, existen obrigas pendentes de pago nas que se incumpriron o prazo de pago de 30 días, así como indica que:

a) **Os promedios de pago deste trimestre, sitúanse en 43,56 días.**

b) As facturas pagadas dentro do trimestre son as seguintes:

Dentro do período legal de pago 91.129,37 €

Fora do período legal de pago 22.077,34 €

c) As facturas pendentes de pago ao final do trimestre dentro do período legal de pago ascenden a 50.651,77 € e, fora do período legal de pago 2.828,87 € .

d) **O Período Medio de Pago da Fundación de Deportes é de 12,97 días.**

O Consello Reitor queda sabedor.

3.- DAR CONTA DO INFORME DE MOROSIDADE E PERIODO MEDIO DE PAGO, 3º TRIMESTRE, ANO 2022.

Pola Sra. interventora/delegada da conta do informe do 3º trimestre de 2022 (1 de xullo ao 31 de agosto de 2022), en relación á orde HAP/2015/2012, pola que se ten a obriga de efectuar por medios electrónicos (plataforma habilitada) a remisión do devandito informe trimestralmente, cumpríndose a obriga no prazo establecido legalmente.

O Consello Reitor queda sabedor.

4.- APROBACIÓN, SE PROCEDE, DA PROPOSTA DE NOMEAMENTO DUN ENCARGADO PARA O SERVIZO DE MANTEMENTO DA FUNDACIÓN DE DEPORTES POLA XUBILACIÓN DO TITULAR.

Dáse conta da proposta do Sr. director Deportivo relativa á aprobación do nomeamento a D. Juan José Ventoso Fuentes como encargado do Servizo de Mantemento da Fundación de Deportes (persoa que viña realizando a función de encargado accidental por ausencia do titular), dado que o encargado titular do devandito Servizo D. Francisco Javier Vicente Maneiro, xubíbase o vindeiro día 10 de novembro do presente ano, sendo preciso contar cun novo encargado do citado Servizo. Aboándosele o plus de produtividade de 319,71 €/mes, que na actualidade percibe o encargado do Servizo de Mantemento.

Despois dun pequeno debate sobre o asunto e, unha vez finalizadas todas as intervencións, procédese a realizar a votación do asunto, dando un resultado de seis votos a favor dos Sres/as.: Carou, Fernández, Vilas, Santorum, Granja, e Sr. Serén, ningún voto en contra e, unha abstención do Sr. Penas, polo que o Consello Reitor acorda propoñer:

1.- O nomeamento de D. Juan José Ventoso Fuentes, como encargado do Servizo de Mantemento das instalacións deportivas municipais, a partir do 11 de novembro do presente ano.

2.- A aprobación do plus de produtividade, por importe de 319,71 €/mes e/ou, no seu caso, as diferencias de complementos da valoración aprobada no expediente da RPT, do posto de traballo “Encargado/a Servizos Varios – Xefe/a Unidade, con cargo á partida 342-130,0205.

3.- Remitir a proposta á Xunta de Goberno Local, para a súa aprobación, se procede.

5.- ANULACIÓN POR ERRO ADMINISTRATIVO, DO ACORDO DO CONSELLO REITOR EN SESIÓN CON DATA 18/10/2022 DO ASUNTO DAS CONCESIÓN DE SUBVENCIONES CONFORME AS BASES DA CONVOCATORIA DE SUBVENCIONES DESTINADAS AO FOMENTO DO DEPORTE FEDERADO, EJERCICIO 2022, CORRESPONDENTE Á TEMPADA 2020/21 OU, ANO 2021.

Dáse conta do informe da Sra. secretaria/delegada relativo á corrección do erro atopado no acordo do Consello Reitor en sesión con data 18/10/2022 do asunto: 5.- APROBACIÓN, SE PROCEDE, DAS CONCESIÓN DE SUBVENCIONES CONFORME AS BASES DA CONVOCATORIA DE SUBVENCIONES DESTINADAS AO FOMENTO DO DEPORTE FEDERADO, EJERCICIO 2022, CORRESPONDENTE Á TEMPADA 2020/21 OU, ANO 2021. Polo que se corrixe o primeiro informe no seguinte apartado: O correspondente ao expediente do Club/Entidade Deportiva: Agrupación Atlético Mazí, no que con posterioridade ao acordo do Consello Reitor, en sesión con data 18/10/2022, atópase un rexistro arquivado por error, presentado pola presidenta do citado Club Dna. Verónica Cores Muñiz, como persoa física e non xurídica, a documentación requirida, con rexistro de entrada Web2022001684, con data 21/09/2022, dentro do prazo de subsanación. En consecuencia débese anular a valoración do importe do punto de 48,50 €, aprobado polo citado Consello Reitor, resultante da división do importe total de 94.723,28 € (82.000,00 € + 12.723,28 €/sobrante partida 342-483,01), dividido polos puntos totais aprobados de 1.953 puntos. Dado que se ten que incluír a puntuación do citado club.

Polo que procede realizar novamente o sumatorio dos puntos, resultando un total de 2.089 puntos e, calculado o valor do punto, queda unha cantidade de **45,34 €/punto** (de 94.723,28 €).

Polo Sr. presidente interven para rogarlles a todos os membros, que os acordos adoptados por este órgano, en concreto o asunto da concesión de subvencions aos Clubes/Entidades Deportivas, non deberían publicarse polos medios de comunicación as concesións e/ou non concesións de subvencions, antes de que oficialmente se notifique a todos os Clubes/Entidades Deportivas.

O Sr. Penas manifesta que igual que no anterior asunto, vaise abster, polas informacións contradictorias e considera que se ten que dar protección ao deporte local, facilitando e axudando a todos os Clubes/Entidades Deportivas a correcta presentación da documentación.

O Sr. presidente contéstalle que non existe ningunha información contradictoria, senon, que conforme ao informe da Sra. secretaria/delegada atópase un erro que debe ser corregido.

Despois dun amplo debate e unha vez finalizadas todas as intervencións, procédese a realizar a votación do asunto, dando un resultado de seis votos a favor dos Sres/as.: Carou, Fernández, Vilas, Santorum, Granja, e Sr. Serén, ningún voto en contra e, unha abstención do

Sr. Penas, polo que o Consello Reitor acorda anular o acordo adoptado polo Consello Reitor en sesión con data 18/10/2022, dado que afecta a todos os Clubes/Entidades Deportivas no importe a percibir de subvención polos seguintes conceptos:

1.- Anúlase a valoración do punto aprobado de 48,50 €, debido ao erro administrativo atopado, dado que se ten que incluír a valoración da Agrupación Atlética Mazí, ao presentar a documentación correcta no prazo de subsanación, cunha valoración total de 136 puntos.

2.- O resultado total de puntos de 1.953 puntos aprobado polo devandito Consello Reitor, unha vez realizado o novo sumatorio incluíndo os puntos do citado Club/Entidade Local, resulta unha puntuación total de 2.089 puntos e, calculado o valor do punto, queda unha cantidade de **45,34 €/punto** (de 94.723,28 €).

3.- Manter a toma de decisións do acordo adoptado polo Consello Reitor en sesión con data 18/10/2022 no que se aprobou:

Acceptar o certificado presentado polo Os Ingleses Rugby Club, ao non ser imputable a el, o non poder comprobar a sinatura do citado certificado.

. Non conceder ningunha puntuación a maiores no apartado outros ao non existir ningún logro destacable conforme as devanditas bases

. Que a puntuación mínima sexa a que alcance cada Club/Entidade Deportiva segundo a valoración establecida nas citadas bases.

. Aprobar conforme informes técnicos as concesións das subvencións.

6.- APROBACIÓN, SE PROCEDE, DAS CONCESIÓNS DE SUBVENCIONS CONFORME AS BASES DA CONVOCATORIA DE SUBVENCIONS DESTINADAS AO FOMENTO DO DEPORTE FEDERADO, EXERCICIO 2022, CORRESPONDENTE Á TEMPADA 2020/21 OU, ANO 2021.

Dáse conta das solicitudes de subvención presentadas, polos Clubes/Entidades Deportivas, conforme ás bases da convocatoria de Subvencións destinadas ao Fomento do Deporte Federado, exercicio 2022, correspondente á Tempada 2020/21 ou, ano 2021, aprobadas polo Consello Reitor en sesión con data 03/05/2022 e publicado o anuncio no B.O.P. con data 12/05/2022, no que indica que “de conformidade co previsto nos artigos 17.3.b y 20.8.a da Lei 38/2003, de 17 de novembro, Xeral de Subvencións, publícase o extracto da convocatoria cuio texto completo pode consultarse na Base de Datos Nacional de Subvencións (BDNS-<https://www.infosubvenciones.es/bdnstrans/GE/es>), convocatoria identif.:625646). Así como dáse conta dos informes da Sra. secretaria/delegada en relación ao asunto, no que figura a puntuación correspondente, resultante da documentación aportada e da aplicación das devanditas bases.

Procédese a examinar todos os expedientes do Clubes/Entidades Deportivas, nos que no informe da Sra. secretaria/delegada, existen erros e/ou sinala que non procede a concesión de subvención e os seus motivos.

Pola Sra. secretaria/delegada sinala que conforme ao acordo de anulación, mantense todo o acordado no Consello Reitor en sesión con data 18/10/2022, excepto o relativo ao expediente da Agrupación Atlética Mazí, que conforme o informe de corrección de erros, indica que a devandita Agrupación presenta a documentación correcta no prazo de subsanación, cunha valoración total de 136 puntos e, no que se aprobou:

Acceptar o certificado presentado polo Os Ingleses Rugby Club, ao non ser imputable a el, o non poder comprobar a sinatura do citado certificado.

. Non conceder ningunha puntuación a maiores no apartado outros ao non existir ningún logro destacable conforme as devanditas bases

. Que a puntuación mínima sexa a que alcance cada Club/Entidade Deportiva segundo a valoración establecida nas citadas bases.

. Aprobar conforme informes técnicos as concesións das subvencións.

Interven o Sr. Vilas que manifesta que o vindeiro exercicio, deberíase buscar a fórmula de simplificar máis a tramitación das subvencións. Que as notificacións aos Clubes/Entidades Deportivas, en vez de remitirse individualizada a cada entidade, considera que é mellor a traves da publicación no BOP, no que nunha única tabla se sinalen todas as subsanacións que teñen que presentar cada Club/Entidade Deportiva, como o ven facendo a Secretaría Xeral para o Deporte. Así como unha vez valoradas publicar no BOP, unha proposta previa de concesión, para que cada Club/Entidade Deportiva, poida, no seu caso, realizar calqueira alegación o seu importe concedido.

Polo Sr. presidente indica que nas vindeiras bases, é dónde se teñen que tomar en consideracións todas as propostas.

O Sr. Penas manifesta que igual que no anterior asunto, vaise abster, polas informacións contradictorias e considera que se ten que dar protección ao deporte local, facilitando e axudando a todos os Clubes/Entidades Deportivas a correcta presentación da documentación.

Despois dun amplo debate e unha vez finalizadas todas as intervencións, procédese a realizar a votación do asunto, dando un resultado de seis votos a favor dos Sres/as.: Carou, Fernández, Vilas, Santorum, Granja, e Sr. Serén, ningún voto en contra e, unha abstención do Sr. Penas, polo que o Consello Reitor acorda:

1.- Aprobar as solicitudes de subvencións que a continuación se indican, calculado o valor do punto, resultando a cantidade de 45,34 €/punto (de 94.723,28 €), ao incrementarse a partida en 12.723,28 € da partida 342-483,01, unha vez aprobada a única concesión de subvención conforme as bases da convocatoria de subvencións destinadas á organización de actividades deportivas extraordinarias, exercicio 2022, realizadas durante o ano 2021, que

multiplicada polos puntos outorgados a cada unha das solicitudes, conforme á baremación feita pola administrativa/xestora e o acordado polo Consello Reitor, conforme informes da Sra. secretaria/delegada, as subvencións outorgadas a cada unha das solicitudes é a seguinte, con cargo á partida 342-483,00:

<u>CLUB/ENTIDADE DEPORTIVA</u>	<u>PUNTOS</u>	<u>IMPORTE</u>
CLUB VILAGARCÍA S.D.	98	4.443,32 .-
CLUB DEPORTIVO PÉREZ-SUB	30	1.360,20 .-
OS INGLESES RUGBY CLUB	82	3.717,88 .-
CLUB NATACIÓN VILAGARCÍA, S.D.	96	4.352,64 .-
CLUB DEPORTIVO SALVAMENTO VILAGARCÍA	100	4.534,00 .-
CLUB XIMNASIA RITMICA VILAGARCIA	10	453,40 .-
CLUB AROSA, S.C	235	10.654,90 .-
CLUB CICLISTA XIABRE	6	272,04 .-
CLUB ATLÉTICO AROUSANA	68	3.083,12 .-
ESCOLA DEPORTIVA DE AROUSA, S.D	80	3.627,20 .-
AGRUPACIÓN ATLÉTICA MAZÍ	136	6.166,24 .-
CLUB XADREZ FONTECARMOA	150	6.801,00 .-
ASOCIACIÓN DEPORTIVA AROUSA FUTBOL 7	27	1.224,18 .-
CLUB DE BALONMANO AROUSA	69	3.128,46 .-
AGRUPACIÓN DEPORTIVA CORTEGADA	203	9.204,02 .-
CLUB BALONCESTO VILAGARCÍA	101	4.579,34 .-
BASKET BASE CLUB	177	8.025,18 .-
CLUB SAN MARTIN	122	5.531,48 .-
CLUB POLIDEPORTIVO C.P.C. EDUCACIÓN ESPECIAL	44	1.994,96 .-
ASOCIACIÓN DEPORTIVA CULTURAL VILAGARCÍA ESGRIMA	25	1.133,50 .-
CLUB PIRAGÜISMO VILAGARCÍA	49	2.221,66 .-
CLUB VILAROUSA GIMNASIA	84	3.808,56 .-
CLUB KENPO VILAGARCÍA	97	4.397,98 .-
TOTALS (PUNTOS/IMPORTE)	2.089 PTOS	94.715,26 €

2.- Non conceder subvención aos Clubes/Entidades Deportivas que a continuación se relacionan, conforme ao apartado 8 das devanditas bases que dí literalmente o seguinte: “**8.- TRAMITACIÓN DE SOLICITUDES E APROBACIÓN DAS CONCESIÓN DE SUBVENCIONES:** A Fundación de Deportes do Concello, revisará os expedientes de solicitude e verificará que conteñen a documentación esixida. Se resulta que a documentación está incompleta ou defectuosa, requirirase ao solicitante para que no prazo improrrogable de **DEZ DÍAS hábiles** a partir da data da recepción da notificación telemática, a través da Sede Electrónica, que terá a súa disposición unha vez sexa comunicado ao correo electrónico

facilitado polo solicitante (terá un prazo máximo de dez días naturais para abrir a notificación na Sede Electrónica), achegue a documentación necesaria ou corrixa os defectos observados, facéndolle saber que, no caso de incumprimento, a súa solicitude arquivarase sen máis trámite”. Posto que unha vez finalizado o prazo de subsanación, non corruxiron, ou non presentaron e/ou foi presentada fora de prazo a documentación que se lle requirira:

CLUB/ENTIDADE DEPORTIVA:

MOTOCLUB VFM

CLUB DE REMO VILAXOÁN

CLUB OLIMPIC VILAGARCÍA

CLUB VILAGARCÍA TENIS DE MESA

3.- Conforme as devanditas bases e o acordo do Consello Reitor en sesión con data 09/06/2022, polo que se leva a cabo a corrección do erro do límite de pagos en efectivo, os Clubes/Entidades Deportivas anteriormente indicados no punto 1, deberán presentar a Conta Xustificativa con toda a documentación que se lle require nos apartados 9.- NOTIFICACIÓN E XUSTIFICACIÓN (CONTA XUSTIFICATIVA) e, 10.- LUGAR E PRAZO DE ADMISIÓN DA CONTA XUSTIFICATIVA, que dín literalmente o seguinte:

“9.- NOTIFICACIÓN E XUSTIFICACIÓN (CONTA XUSTIFICATIVA):

Unha vez aprobada a subvención, será notificada telemáticamente aos/ás interesado/as, a través da Sede Electrónica, que terá a súa disposición unha vez sexa comunicado ao correo electrónico facilitado polo solicitante. (terá un prazo máximo de dez días naturais para abrir a notificación na Sede Electrónica), para proceder á presentación da Conta Xustificativa.

O importe dos gastos xustificadas deberá alcanzar, polo menos, o importe da subvención, así como a subvención concedida non poderá ser tal que sumadas todas as subvencións públicas, exceda do importe total do balance de gastos presentado.

A confección de toda a documentación realizarase a través da Plataforma de Xestión de Subvencións contratada por esta Fundación de Deportes, para axudar aos Clubes/Entidades Deportivas a correcta presentación da mesma, na dirección <https://vilagarcia.cluber.es> no que terán a súa disposición a **Conta Xustificativa e anexos nos modelos normalizados**. Na que obrigatoriamente deberán subir toda a documentación e unha vez validada, xenerará un PDF final en formato oficial, que deberá ser asinado dixitalmente polo representante legal do Club/Entidade Deportiva e, rexistrarse na Sede electrónica da Fundación de Deportes.

Os Clubes/Entidades Deportivas deberán **presentar a seguinte documentación**, referida á **tempada 2020/21, dende o 1 de agosto de 2020 ao 31 de xullo do 2021** e, se a **actividade deportiva se desenvolve no ano natural**, corresponderá ao **ano 2021**:

9.1.- **Anexo II.-** Conta Xustificativa debidamente cumprimentada e asinada dixitalmente polo representante e, na que figura unha declaración xurada na que se sinala:

a) O número BIC e IBAN da conta bancaria da que son titulares e, no caso de que exista cambio da Conta Bancaria xa comunicada á Fundación de Deportes, deberá presentar impreso selado pola entidade bancaria que corresponda, no que figuren o Club/Entidade Deportiva como titular e o seu nº BIC e IBAN da súa conta bancaria.

b) Estar ao día no cumprimento das obrigas tributarias e Autorizacións ao Concello e/ou Fundación de Deportes para que poida consultar ou solicitar os certificados de estar ao corrente coa Recadación Municipal, Seguridade Social, Axencia Tributaria e, coa Consellería de Economía e Facenda, no caso de que se opoñan a esta consulta e/ou solicitude deberán indicalo no cadro correspondente e achegar os documentos que correspondan. Así como, no caso que as citadas Administracións poñan algún impedimento para que este Organismo Autónomo solicite os certificados correspondentes, se lle requirirá aos Clubes/Entidades Deportivas, para que presenten as certificacións orixinais ou fotocopias compulsadas.

c) As axudas solicitadas ou concedidas por outras Administracións Públicas, ben directamente ou ben a través das Federacións deportivas, así como doutros axentes para a mesma finalidade.

d) Que adopta o compromiso que fundamenta o recoñecemento da obriga da subvención, conforme o disposto no artigo 14 da Lei 38/2003, do 17 de novembro, xeral de subvencións.

e) Que se fixo a debida divulgación do financiamento da Fundación de Deportes na actividade subvencionada.

f) Que o Club/Entidade Deportiva ten cumprido o obxecto da subvención concedida para a devandita actividade.

9.2 Anexo III.- Relación de facturas de gastos realizados nas actividades obxecto da subvención, (deberase cubrir todas as columnas do anexo) e asinada dixitalmente polo representante, conforme ao sinalado no apartado 6.2, ordenada por conceptos (segundo balance gastos e ingresos presentado) e dentro deste, por proveedor (nº factura e data, de mais antiga á mais nova), acompañada de todas as facturas (co mesmo orde indicada na relación) e o seu correspondente xustificante de pago detrás da súa factura, nas que figurarán necesariamente os seguintes requisitos:

a) Nome, razón social e NIF ou CIF de quen emite a factura, correctamente fechada e numerada.

b) Nome e CIF do/a beneficiario/a da subvención.

c) Detalle e data dos servizos prestados, contía dos mesmos con expresión do IVE, se non estiveran exentos.

d) Xustificación do pago. As operacións con importes superiores a 1.000,00 € non poderán ser pagadas en efectivo, de acordo co previsto na Lei 11/2021, de 9 de xullo de 2021, que modifica o artigo 7 da Lei 7/2012 de 29 de outubro, polo que deberá acreditarse o seu

pago mediante o cargo na conta bancaria correspondente, pasando o límite de 2.500,00 € a 1.000,00 €, polo que a Entidade deberá ter presente esta modificación aos efectos do cumprimento da lexislación vixente en materia de pagos en efectivo. No resto dos casos o pago acreditarase por calquera dos seguinte medios: certificados do proveedor, factura simplificada ou de caixa, indicación na factura do pago asinado pola persoa responsable co seu nome e apelidos e/ou DNI ou, por transferencia bancaria co selo bancario.

Aceptaranse como xustificantes de gasto, certificacións oficiais federativas, da Mutualidade Deportiva, de Colexios de Árbitros ou Pólizas de Seguro de Responsabilidade Civil da Entidade. Así como recibos de colaboradores, adestradores ou axudantes que deberán cumprir os seguintes requisitos: nº de recibo, lugar e data, datos do interesado e do club ou entidade deportiva (nome, domicilio, NIF ou CIF), descrición do concepto de gasto, precio total e IVE repercutido ou IVE incluído cando o importe total do recibo non exceda de 400,00 €.

Tamén serán subvencionables os gastos financeiros, incluídos os intereses, gastos notariais e rexistrais directamente relacionados coa actividade subvencionada e que sexan indispensables para a realización da mesma. Quedan excluídos as amortizacións de préstamos.

IMPORTANTE: Tendo en conta que a presentación telemática impide a presentación de orixinais ou copias compulsadas, a Fundación de Deportes, a través do persoal correspondente, poderá solicitar a presentación física das facturas orixinais e xustificantes de pago orixinais presentados, aos efectos do cotexo de datos.

9.3 **Anexo IV.-** No caso de que a entidade reciba subvencións doutras administracións públicas para o mesmo proxecto ou actividade subvencionada, deberá presentar unha certificación debidamente cumprimentada e asinada dixitalmente polo representante, onde se faga constar a relación de facturas que foron presentadas nas citadas administracións a efectos de xustificación, que non deberán coincidir cos xustificantes de gastos presentados na Fundación de Deportes. O Club tamén poderá optar por aportar xustificantes de gastos polo importe total das subvencións públicas recibidas.”

“10.- LUGAR E PRAZO DE ADMISIÓN DA CONTA XUSTIFICATIVA:

10.1.- A Conta Xustificativa con toda a documentación requirida, de acordo co establecido no apartado anterior, presentarase a través da Sede Electrónica, no enderezo <https://sede.vilagarcia.gal>, sección da Fundación de Deportes, catálogo de Procedementos, CONVOCATORIAS DE SUBVENCIONES, no REXISTRO ELECTRÓNICO. A presentación telemática producirá plenos efectos xurídicos sempre que a xustificación sexa enviada dentro do prazo establecido.

Para presentar a solicitude de xeito telemático será imprescindible, cando menos, que o presidente e/ou a persoa designada como representante para o envío da solicitude ao rexisto

telemático, dispoña de sinatura electrónica, así como deberá/n acreditar a súa representación por calquera medio admisible en dereito.

Forma de Presentación da documentación no rexistro electrónico da Fundación de Deportes:

Tendo en conta que o rexistro electrónico da Fundación de deportes non admite arquivos que superen na súa totalidade os 10 Mb ou non admite determinados formatos, deberase cumprir as seguintes normas de presentación:

1º) Un pdf por cada anexo:

a) Anexo II: Conta Xustificativa

b) Anexo III: Relación de Facturas

c) Anexo IV: Certificación dos gastos presentados noutras administracións públicas

2º) Un pdf cos certificados de estar ao corrente coas distintas administracións públicas, no caso que non autoricen a consulta por parte da Fundación de Deportes.

3º) Un pdf coas facturas escaneadas e os seus xustificantes de pago ordenados do mesmo xeito que aparecen no anexo III e sempre primeiro a factura e seguidamente o xustificante de pago. (exemplo: factura 1 da relación, xustificante de pago da factura 1 da relación, factura 2 da relación, xustificante de pago da factura 2 da relación...etc.).

Os distintos arquivos dos pdfs deberan ter unha denominación acorde co contido do documento que permita a súa localización e identificación.

No caso de que a documentación presentada supere os 10 Mb deberá realizar tantos rexistros electrónicos como sexan necesarios para presentar a documentación, indicando nos sucesivos rexistros o número do primeiro rexistro e numerando en función do número de rexistros do seguinte xeito: Por exemplo no caso de que sexan necesarios 4 rexistros: 1/4, 2/4, 3/4 e 4/4.

O incumprimento por parte do beneficiario destas normas de presentación será causa de devolución da documentación para subsanar.

10.2.- Efectuada a notificación das concesións de subvencións, abriase un prazo de **15 días Naturais**, contados a partir do día seguinte da recepción da notificación telemática, para presentar a Conta Xustificativa, con toda a documentación necesaria a efectos de xustificación da subvención.”

4.- Facultar ao Sr. presidente para a aprobación dos Recoñecementos da Obriga de todos aqueles Clubes/Entidades Deportivas que teñan correcta a súa documentación xustificativa.

E non habendo máis asuntos que tratar, sendo as vinte e unha horas e once minutos do día da data, dáse por rematada a sesión do que se estende a presente acta, e da que eu, como secretaria dou fe.